

Serie A N.º 1176111

SESIÓN ORDINARIA DO CONCELLO PLENO**21/MARZO/2002****SECRETARÍA**

- 1.- APROBACIÓN, SI PROCEDE, DA ACTA DAS SESIÓNS DE DATAS 21 E 28 DE FEBREIRO E 5 DE MARZO DE 2002.
- 2.- ACTIVIDADE DE CONTROL DO PLENO.
- 3.- DAR CONTA DE RESOLUCIÓN DA ALCALDÍA REFERENTE A NOMEAMENTO DE D^a ROSA COSTAS ESTÉVEZ, COMO DELEGADA DA MULLER E DELEGADA DE CENTROS DE ENSINO SECUNDARIOS.
- 4.- DAR CONTA RESOLUCIÓNS DA ALCALDÍA.

DEPORTES

- 5.- DICTAME DA COMISIÓN INFORMATIVA DE DEPORTES REFERENTE A MODIFICACIÓN DE ESTATUTOS DO CENTRO DEPORTIVO MUNICIPAL.
- 6.- ROGOS E PREGUNTAS

ASUNTO FORA DA ORDE DO DÍA

PROPOSTA DO CONCELLEIRO DE ECONOMÍA, FACENDA E DESENVOLVEMENTO LOCAL SOBRE SUPRESIÓN DE CÉNTIMOS DE EURO EN DETERMINADOS TRIBUTOS.

MOCIÓN DE URXENCIA DO GRUPO MUNICIPAL DO PP EN RELACIÓN CON AMPLIACIÓN DO CAMIÑO DE LEITON.

Na Casa do Concello de Redondela, sendo as vinte horas e tres minutos do día **vinteún de marzo do ano dous mil dous**, baixo a Presidencia do Sr. Alcalde, D. XAIME REI BARREIRO, e a asistencia dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA M^a DEL PILAR MARTÍNEZ GONZÁLEZ, DONA M^a DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, DONA M^a DEL CARMEN RODRÍGUEZ RIVAS, D. MANUEL RAMÓN CONDE ROMERO, D. EMILIO SÁNCHEZ SANTORIO, DONA AURORA ALONSO MONTEAGUDO, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. PABLO REBANAL ALFAYA, D. SALVADOR FERMIN PINTOS FERNANDEZ, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE e DONA ROSA COSTAS ESTÉVEZ, asiste tamén D. MODESTO SOLLÁ SANZ, Interventor do Concello, actuando como Secretario D. Bernardo Soto López, Técnico en Admón Xeral, Accidentalmente Secretario Xeral do Concello de Redondela, constitúese o Pleno do Concello, en sesión ordinaria, conforme á convocatoria e de acordo coa Orde do día.

1.- APROBACIÓN, SI PROCEDE, DA ACTA DAS SESIÓNS DE DATAS 21 E 28 DE FEBREIRO E 5 DE MARZO DE 2002.

O Pleno do Concello, en votación ordinaria e por unanimidade dos seus membros presentes acorda prestar aprobación ás actas das sesións celebradas os días 21 e 28 de febreiro e 5 de marzo de 2002, coa rectificación que se practica, en virtude da observación formulada polo Sr. Conde Romero do erro material producido na deliberación recollida no punto número 8 da acta da sesión do 21.2.02, no referente a que este Concelliro indicou que a débeda do Concello era superior a 2.000 millóns de pesetas e non a 200, como se recolleu.

2.- ACTIVIDADE DE CONTROL DO PLENO.

Non se exercitou ningún tipo de actividade de control.

3.- DAR CONTA DE RESOLUCIÓN DA ALCALDÍA REFERENTE A NOMEAMENTO DE D^a ROSA COSTAS ESTÉVEZ, COMO DELEGADA DA MULLER E DELEGADA DE CENTROS DE ENSINO SECUNDARIOS.

Pola Presidencia dase conta da Resolución da Alcaldía de data 1.3.02 pola que se nomea Delegada da Muller e Delegada de Centros de Ensino Secundarios á Concelleira D^a. Rosa Costas Estévez (BNG). O Concello Pleno queda enterado.

4.- DAR CONTA RESOLUCIÓNS DA ALCALDÍA.

Pola Presidencia dase conta das Resolucións da Alcaldía dende o 21 de febreiro de 2002 a 13 de marzo de 2002.

O Concello Pleno, quedou enterado do contido das Resolucións dictadas.

5.- DICTAME DA COMISIÓN INFORMATIVA DE DEPORTES REFERENTE A MODIFICACIÓN DE ESTATUTOS DO CENTRO DEPORTIVO MUNICIPAL.

ANTECEDENTES

Por acordo plenario de data 4 de agosto de 1983 se modificou o art. 7º dos Estatutos do Centro Deportivo Municipal no senso seguinte:

"O Consello de Administración estará constituído por 7 membros, ademais do Presidente, dos que tres serán concelleiros do Concello de Redondela, un dos cales será designado Vicepresidente, 3 de actividades deportivas en representación dos deportes de maior utilización do Pavillón e un representante dos Centros Oficiais de Ensinanza.

Será Presidente do Consello de Administración o Alcalde ou Concelleiro no que delegue..."

Téndose comprobado reiteradamente a ausencia de membros do Consello, por

Serie A N.º 1176112

distintas causas, sen que poidan ser substituídos por ningún outro membro que os representen.

VOTACIÓN E ACORDO

De conformidade co dictame da Comisión Informativa de Deportes, de data 4 de marzo de 2002, O Concello Pleno, por unanimidade de todos os seus membros presente, **acorda:**

Engadir ó art. 7 dos Estatutos do Centro Deportivo Municipal que os membros poidan nomear substituto que os represente nas xuntanzas que celebre o Consello, debendo comunicalo, por escrito, ó Secretario do mesmo, con al menos vinte e catro horas de antelación á celebración da xuntanza.

6.-ROGOS E PREGUNTAS

Non se formularon.

ASUNTO FORA DA ORDE DO DÍA

PROPOSTA DO CONCELLEIRO DE ECONOMÍA, FACENDA E DESENVOLVEMENTO LOCAL SOBRE SUPRESIÓN DE CÉNTIMOS DE EURO EN DETERMINADOS TRIBUTOS.

ANTECEDENTES

Pola Presidencia dase lectura a indicada proposta que transcrita di:

"Con motivo da posta en circulación da moneda única a partires do 1 de xaneiro do ano 2002, e unha vez que por parte da Intervención se realizaran as equivalencias correspondentes en euros, de toda-las ordenanzas fiscais, resulta que a correspondente o Imposto Sobre vehículos de Tracción Mecánica, e a Taxa pola Recollida do Lixo existen 24 tipos de cuotas que no seu día foron pensadas en pesetas para que o seu cobramento resultara fácil xa que as cantidades a ingresar eran 2.500 ptas, 7.000 ptas entre outras para o imposto Sobre Vehículos, e 4.700 ptas, 9.400 ptas para a taxa pola Recollida do Lixo en servicio domiciliario.

Realizado un estudio polos Servicios de Recadación, no que se eliminaban os céntimos de euro no Imposto Sobre Vehículos do ano 2002, este baixaría en 3.253,58 euros, e na Taxa pola Recollida do Lixo baixaría 4.215 euros cantidades que non resulta significativa para o Concello si se compara coas molestias que se ocasionan primeiro o contribuínte e despois as dependencias da Recadación e as entidades bancarias colaboradoras que estarían obrigadas a manexar grandes cantidades de moeda fraccionaria de pequeno valor.

Por todo isto propoño ó Pleno do Concello a adopción do seguinte acordo:

Suprimir os céntimos de euro para tódalas tarifas do Imposto Sobre Vehículos de Tracción Mecánica e da Taxa pola Recollida do Lixo para o ano 2002."

VOTACIÓN DA URXENCIA:

O Concello Pleno, en votación ordinaria e por unanimidade dos seus membros presentes acorda a declaración de urxencia do asunto e o tratamento e consideración do mesmo.

INTERVENCIÓNS

Sr. Interventor Municipal: Dada a urxencia da proposta non foi enviado o expediente a Intervención polo que non foi posible facer informe escrito.

A proposta é contraria os principios de seguridade xurídica e igualdade ante a Lei e sometemento pleno a Lei e o dereito o que este Concello está obrigado como as restantes administracións públicas, e conlevaría un quebranto económico a facenda do Concello contraria á legalidade vixente, así como a existencia de beneficios fiscais sen amparo legal e sen axusta-los o procedemento de tramitación preceptivos.

Afectaría a dous tributos: imposto sobre vehículos de tracción mecánica e taxa pola recollida e tratamento do lixo, e non ós restantes tributos deste Concello, que tamén teñen as súas tarifas con céntimos de euro, por exemplo, IAE e IBI.

No seu caso a proposta requiriría da modificación previa das ordenanzas fiscais afectadas, sen que en ningún caso fora de aplicación ó imposto sobre vehículos de tracción mecánica no que, por aplicación dos coeficientes de incremento sobre as bases legalmente establecidas daría lugar a existencia de importes con céntimos de euro.

A parte do anteriormente dito reitero o indicado no apartado quinto da páxina noventa e tres do informe deste interventor ó orzamento xeral do Concello de Redondela para o ano 2002.

Por todo o indicado se o Pleno o estima oportuno e de conformidade co establecido no artigo 198.2) da Lei de Facendas Locais poderá resolve-los reparos formulados.

Sr. González Iglesias: A idea era estende-la medida a tódolos tributos pero o Padrón de algúns deles como o IBI e IAE non dependen do Concello, polo que o ser o Imposto Sobre Vehículos e a Taxa pola Recollida do Lixo de competencia municipal a medida reduxóse este ano a estes dous tributos, que son os que xeneran máis xente nas oficinas municipais de recadación e orixinan continuas colas porque os contribuintes non acostumbran a domiciliar os seus recibos.

Coa aprobación desta medida eliminaranse as molestias e dificultades que se causan ós contribuíntes, as dependencias de recadación e ás entidades colaboradoras o evitarlles manexar grandes cantidade de moeda fraccionaria de pequeno valor.

Por outra banda e tendo en conta que o redondeo é a baixa non hai ningún contribuínte por estas obrigas tributarias que resulte perxudicado, o único afectado sería o Concello que tería que ampliar os prazos de ingreso co conseguinte prexuízo que elo reporta para o desenvolvemento da economía municipal.



AYUNTAMIENTO DE REDONDELA
DIRECCIÓN GENERAL DE ECONOMÍA
Y FISCALIDAD

Serie A N.º 1176113

Sr. Pazos Docampo: Apoiamos a proposta.

Sr. Conde Romero: Aparte problemas nos cambios prodúcese un beneficio para os cidadáns.

VOTACIÓN E ACORDO

O Concello Pleno, en votación ordinaria e por unanimidade dos seus membros presentes,acorda:

Primeiro.- Salva-los reparos formulados polo Sr. Interventor Municipal.

Seguundo.- Prestarlle a súa aprobación á proposta antes transcrita.

MOCIÓN DE URXENCIA DO GRUPO MUNICIPAL DO PP EN RELACIÓN CON AMPLIACIÓN DO CAMIÑO DE LEITON.

ANTECEDENTES

Pola Presidencia dase lectura á moción presentada polo Grupo Municipal do Partido Popular que transcrita dí:

"Como é por todos coñecido, ben sexa por escritos remitidos polos perxudicados a este Concello ou ben por notas de prensa, hai un núcleo de vivendas no camiño de Leitón, en Chapela, que se atopan sen que ás mesmas poidan acceder vehículos.

Xa se deron caos nos que se fixo necesaria a intervención dun vehículo de urxencias (ambulancia) para prestar auxilios ós veciños desta zona, tendo que desplazar todo o seu material de urxencias a man, dende a carretera principal ata o núcleo urbán descrito. Dada a imposibilidade de calquer outro tipo de solución, xa que o único camiño de pe existente, non reúne as mínimas condicións de acceso para calquer tipo de vehículo, e polo que SOLICITO

O acordo plenario polo que se aprobe o inicio do expediente de ampliación do camiño existente que da acceso a estas vivendas, para que poidan acceder vehículos ata as mesmas, e á vez se contemple partida suficiente no presuposto municipal, na actualidade en exposición pública, para poder levar a cabo o mesmo, e as posibles expropiacións a que derán lugar, de ser necesarias".

VOTACIÓN DA URXENCIA

O Concello Pleno, en votación ordinaria e por unanimidade dos seus membros presentes,acorda a declaración de urxencia da moción e o tratamento e consideración da mesma.

INTERVENCIONS:

Sr. Conde Romero: É un problema agudo que 7 vivendas do camiño de Leitón non teñan acceso rodado, circunstancia que incluso ten motivado que para auxiliar a un veciño enfermo houbera necesidade de reitra-lo nunha silla. Non entendo que non se teñan adoptado medidas ó respecto, polo que solicito se aprobe a moción e dado que o presuposto municipal se atopa a información pública se contemple partida suficiente

para levar a cabo as actuacións que se indican na moción presentada.

Sr. González Iglesias: Con respecto a este tema envíouselle escrito ó Sr. Presidente da Xunta de Galicia do seguinte contido:

"En contestación ó seu escrito de data 19 de Novembro de 2001, en relación co escrito presentado por D. JUAN CARLOS BAPTISTA CARBALLO, expoñendo a necesidade de que a vivenda do seu pai conte con acceso rodado, pois na actualidade o existente se atopa en malas condicións, sendo ademáis o único camiño que ten el, así como outros veciños das inmediacións para chegar as súas vivendas, a V.S., teño a ben comunicar que, segundo informe emitido polo Servicio Municipal de Urbanismo, resulta:

"Que dende o camiño de Leitón sito en Igrexa-Chapela, ata a vivenda do interesado, ubicada no número 16 do barrio anteriormente reseñado, existe un camiño dun ancho aproximado duns dous metros e un longo duns cento vinte metros.

Que o camiño en cuestión discurre por un tramo de formigón e un de terra, observándose nunha parte do mesmo, dous tramos de escaleiras.

Que dende a rasante da vía pública ata a vivenda do pai do interesado, existe un pronunciado desnivel dunha distancia aproximada de 30 metros, polo que sería dificultoso a construción dun vial de circulación rodada ata as vivendas alí existentes: Que o mencionado camiño non figura no Inventario de Béns Municipais do Concello de Redondela".

Así mesmo o referido camiño, no que respecta ó tramo máis próximo á vivenda do interesado, non está recollido nas Normas Subsidiarias de Planemento de Ámbito Municipal de Redondela, por canto nunca existiu como acceso rodado, senón simplemente peatonal.

Do exposto se desprende que non existe pasividade da Administración Municipal na resolución do problema plantexado senón inviabilidade de acceder ó peticiónado.

Nembargantes se procurará mellora-lo repetido camiño co obxecto de facilita-lo acceso peatonal polo mesmo.

Así mesmo se pretende incluír no Plan Xeral de Ordenación Municipal, actualmente en fase de redacción do Avance, a apertura dun novo vial que de acceso ás vivendas da zona na que se ubica a do pai do comparecente como previsión a ter en conta nun futuro desenrolo do indicado instrumento de planeamento".

Acto seguido o Sr. González Iglesias manifesta que o informe a que se fai referencia no escrito do que deu lectura tamén foi remitido o Valedor do Pobo.

Seguindo no uso da palabra dí: Na moción solicitan que de ser necesario se procederá á expropiación de terreos para ensancha-lo camiño. A este respecto indícolle que non hai circunstancias urbanísticas que amparen tal actuación, é dicir, que non existe documento urbanístico que propicie a instrución de expediente expropiatorio, polo que a única fórmula viable sería a cesión de terreos polos veciños.

Serie A N.º 1176114

Sr. Conde Romero: As Normas Subsidiarias Municipais son do 1988 e seguese permitindo que se edifique na zona. Todo o mundo está de acordo en cede-los terreos menos unha persoa que ademais fixo obras ilegais e non se lle dixo nada. Estou seguro que vostedes poden abrir un expediente expropiatorio aínda que as Normas nono contemplen. Hai que falar cos veciños para saber se ceden, e remover a lua coa terra para resolve-lo asunto. Transcorriu tempo suficiente para darlle solución pero non hai ganas ou vontade política para facelo. Se votan en contra da moción creo que están cometendo un erro moi grave. Actuen como outro sentido que non sexa o extrictamente legal porque se queren buscar solucións encontraranas.

Sr. González Iglesias: Hai mais dunha experiencia de meter unha pala e casi acabar no xulgado. Se os veciños non ceden non hai amparo legal para expropiar e os veciños votarian abaixo o expediente.

Con respecto a realización de obras ilegais que mencionou presente escrito co nome e apelidos do infractor para pasar a informe dos servicios técnicos de disciplina urbanística. Se fixeron novas casas pero contan con acceso rodado segundo o proxecto presentado. O problema plantexado pasa por un instrumento urbanístico que permita resolvelo.

Sr. Conde Romero: Non se poden cambia-los terreos?. Lévanse 20 anos sen dar solución a vivendas que non teñen acceso rodado. Hai que buscar fórmulas e vontade política para face-lo. Eu non permitiría que 7 vivendas non conten con acceso rodado. É un agravio comparativo e un caso de suma necesidade. Se alguen non quere ceder ver se o que fixo está ben ou mal. É unha necesidade prioritaria e se se quere se lle busca solución.

Sr. Alcalde: Non teño inconveniente en que unha vez se incorpore a Secretaría emita informe xurídico con respecto a se se pode ir a expropiación dos terreos necesarios para abrir o vial, ou solicitar un informe xurídico externo. Caso de informe favorable comprométome a iniciar inmediatamente expediente de expropiación dos terreos se o vial é viable de realizar. Temos a vontade de darlle servicios os cidadáns.

Sr. Conde Romero: En casi 20 anos do seu mandato o camiño segue igual.

Sr. Alcalde: Esta circunstancia obedece a que no PERI de Chapela, consensuado cos veciños, ese camiño non se contempla. De existir soporte xurídico e ser viable a realización do camiño dende o punto de vista técnico dispoirei a inmediata instrucción do pertinente expediente expropiatorio dos terreos necesarios para tal fin.

VOTACIÓN E ACORDO

O Concello Pleno, por maioría de votos, con trece votos en contra da moción, os dos/as Sres/s Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA M^a DEL PILAR MARTÍNEZ GONZÁLEZ, DONA M^a DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, DONA M^a. DEL CARMEN RODRÍGUEZ RIVAS, D. XOSÉ CARLOS PAZOS DOCAMPO, DONA

1176111 Serie A nº 1176114

CECILIA PÉREZ ORGE, D. XOSÉ LUIS GRANDE GRANDE e DONA ROSA COSTAS ESTÉVEZ e mailo do Sr. Alcalde, e oito a favor dos/as Sres/as Concelleiros/as: D. MANUEL RAMÓN CONDE ROMERO, D. EMILIO SÁNCHEZ SANTORIO, DONA AURORA ALONSO MONTEAGUDO, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. PABLO REBANAL ALFAYA, D. SALVADOR FERMIN PINTOS FERNANDEZ,acorda:

Rexeita-la moción anteriormente transcrita.

E, non habendo mais asuntos que tratar pola Presidencia dase por rematada a presente sesión sendas as vinte horas e coarente e cinco minutos da data indicada no encabezamento, en proba de todo o que se estende a presente acta, que se inscribiu no Libro dende o folio vintecatro do Papel Timbrado da Comunidade Autónoma de Galicia, Serie A nº 1176111, ata a volta do folio vintese, Serie A nº 1176114, de todo o que como Secretario do presente acto, dou fe.

O Alcalde

O Secretario, Acctal

Asdo: Xaime Rei Barreiro

Asdo: Bernardo Soto López



NUMERADO
RACIONES
CAIS